

周易經典證略

易象原始三古聖師鄭虞論贊惠君宗之旌德補罅羽  
斯翼斯末學趨禱滯固是嚙勉披一得大雅正茲

光緒十一年夏五月山陽何其傑

凡例

一 註易之書汗牛充棟漢宋聚訟芟焉如絲末學蒙陋  
竊以易之存本因爲卜筮之書自不能舍卦象而專  
談義理也是編純以他經解此經或藉證子史諸集  
皆與易義詞異而義同者或時有採輯解易各家註  
釋則列入夾註中

一 引易之書以左氏爲最古亦最富編中謹列全段庶  
可以觀其象而玩其詞

一 是編次第悉遵 折衷敢云好古實亦遵 王且惠

氏志也

一是編雖據惠氏江氏本然訛舛雜出謹更正之此外蒐採所及與鄙見合者卽存之均略具苦心焉

一是編之末附列四圖似尙明爽用便初學省覽

一是編本名證略略則不能詳備舉一遺十蠡測是譏  
維 有道教之

周易經典證略目錄

卷一 上經

卷二 下經

卷三 上象 下象

卷四 上象 下象

卷五 上繫

卷六 下繫

卷七 文言

卷八 說卦

卷九 序卦

卷十 雜卦

卷末 圖說附

周易經典證略 卷一

上經

乾

元亨利貞

公羊傳註曰元者氣也無形以起有形以分造起天

地天地之始也

隱公元年

九五飛龍在天利見大人

說文曰鱗蟲之長能幽能明能細能巨能短能長春

分而登天秋分而潛淵

釋龍

坤

東北喪朋安貞吉

漢書天文志曰東北地事天位也故易曰東北喪朋  
漢書楊震疏曰臣聞師言地者陰精當安靜承陽

六二直方大不習无不利

春秋傳曰卜不襲吉

哀公十年○惠氏曰習重也與襲通公羊傳曰求吉之道三故

經有初筮原筮之文不習者言不煩再筮也

六四括囊无咎无譽

禮記經解曰絜靜精微易教也

注括絜也



六五黃裳元吉

春秋傳曰南蒯枚筮之遇坤之比曰黃裳元吉以爲大吉也示子服惠伯曰卽欲有事何如惠伯曰吾嘗學此矣忠信之事則可不然必敗外彊內溫忠也和以率貞信也故曰黃裳元吉黃中之色也裳下之飾也元善之長也中不忠不得其色下不共不得其飾事不善不得其極內外倡和爲忠率事以信爲其供養三德爲善非此三者弗當且夫易不可以占險將何事也且可飾乎中美能黃上美爲元下美則裳參

成可筮猶有闕也筮雖吉未也

昭公十二年

屯

利建侯

春秋傳曰孔成子以周易筮之曰元尚享衛國主其社稷遇屯又曰余尚立繫尚克嘉之遇屯之比以示史朝史朝曰元亨又何疑焉成子曰非長之謂乎對曰康叔名之可謂長矣孟非人也將不列於宗不可謂長且其繇曰利建侯嗣吉何建建非嗣也二卦皆云子其建之康叔命之二卦告之筮襲於夢武王所

用也弗從何爲

昭公七年

禮記禮運曰孔子曰

節

大道之行也天下爲公選賢

與能

惠氏曰如利建侯之類也

乘馬班如匪寇婚媾女子貞不字

儀禮士昏禮曰主人爵弁纁裳緇衣乘車二乘從車

二乘婦車亦如之

禮記曲禮曰女子許嫁笄而字

六三卽鹿无虞惟入于林中君子幾不如舍往吝

周禮地官山虞曰掌山林之政令

節

及弊田植虞旗

于中致禽而珥焉

書太甲曰若虞機張往省括于度則釋

詩國風駟鐵曰舍拔則獲

六四乘馬班如

春秋傳曰有班馬之聲齊師其遁

襄公十八年

九五屯其膏小貞吉大貞凶

春秋傳曰初畢萬筮仕於晉遇屯之比辛廖占之曰

吉屯固比入吉孰大焉其必蕃昌震爲土車從馬足

居之兄長之母覆之衆歸之六體不易合而能固安

而能殺公侯之卦也

閱公元年

蒙

匪我求童蒙童蒙求我

禮記曲禮曰禮聞來學不聞往教

上九擊蒙不利爲寇利禦寇

禮記月令曰兵戎不起不可從我始

蒙於消息爲正月

需

利涉大川

乾升涉坎故利涉

周禮考工記曰匠人爲溝洫

節

專達于川

九五需于酒食貞吉

春秋傳曰寡君須矣吾子其入也

成公十一年  
○需須也

春秋傳曰水火醯醢鹽梅以烹魚肉燂之以薪宰夫和之齊之以味濟其不及以洩其過君子食之以平

其心

昭公二  
十年

有不速之客

儀禮士冠禮曰乃宿賓

禮記祭統曰是故先期旬有二日宮宰宿夫人

鄭注  
宿讀

爲肅速

與肅通

訟

其邑人三百戶无眚

周禮地官大司徒曰不易之地家百畝一易之地家

二百畝再易之地家三百畝

惠氏引鄭註曰下大夫采地方一成其定稅二

百家故三百戶一成九百夫宮室涂巷山澤三分去一餘六百夫地有不易一易再易通率一家任二夫

故一成定

稅三百家

終朝三褫之

尚書大傳曰歲之朝月之朝日之朝則后王受之

鄭注

云自正月盡四月爲歲之朝上旬爲月之朝平旦至食時爲日之朝

師

初六師出以律否臧凶

春秋傳曰知莊子曰此師殆哉周易有之在師之臨  
曰師出以律否臧凶執事順成爲臧逆爲否衆散爲  
弱川壅爲澤有律以如己也故曰律否臧且律竭也  
盈而以竭天且不整所以凶也

宣公十  
二年

周禮春官太師曰太師執同律以聽軍聲而詔吉凶  
史記律書曰王者制事立法物度軌則壹稟于六律  
六律爲萬事根本焉其于兵械尤所重故曰望敵知



吉凶聞聲效勝負百王不易之道也

六三師或輿尸凶

春秋傳曰令尹南轅反施伍參言於王曰晉之從政者新未能行令其佐先穀剛愎不仁未肯用命其三帥者專行不獲聽而無上衆誰適從此行也晉師必敗且君而逃臣若社稷何王病之告令尹改乘轅而

北之

宣公十二年

六四師左次无咎

禮記少儀曰軍尙左卒尙右

春秋傳曰凡師一宿爲舍再宿爲信過信爲次

莊公三年

比

後夫凶

周禮大司馬曰質明弊旗誅後至者

魯語仲尼曰昔禹致羣神於會稽之山防風氏後至  
禹殺而戮之

有孚盈缶終來有它吉

後漢書魯恭傳曰和帝初立議遣車騎將軍竇憲與  
征西將軍耿秉擊匈奴恭上疏諫曰夫戎狄者四方

之異氣也躑夷踞肆與鳥獸無別若雜居中國則錯亂天氣汗辱善人是以聖王之制羈縻不絕而已今邊境無事宜當修仁行義尙於無爲令家給人足安業樂產夫人道又於下則陰陽和於上祥風時雨覆被遠方夷狄重譯而至矣易曰有孚盈缶終來有它吉言甘雨滿我之缶誠來有我而吉已

小畜

九三輿說輻

漢書王莽傳曰五威將乘乾文車駕坤六馬

註鄭氏曰畫天

文象於車也。○惠氏曰坤爲輿  
至三成乾坤象不見故輿脫輻

履

九四履虎尾愬愬終吉

公羊傳曰靈公望見趙盾愬而再拜

宣公六年○何休註愬者驚貌

禮臣拜然後君答拜靈公先拜者畚出盾入知其欲諫欲以敬拒之使不復言也

上九視履考祥其旋元吉

中庸曰國家將興必有禎祥

春秋傳曰里析告子產曰將有大祥民震動國幾亡

吾身泯焉弗良及也國遷其可乎

昭公十八年

素

九二包荒

詩大雅桑柔曰具贅卒荒

毛傳曰荒虛也乾盈坤虛故五虛无陽二當升五故

有包之象

不遐遺

詩小雅谷風曰棄予如遺

毛傳遺訓亡

九四翩翩

惠氏作偏

書洪範曰毋偏毋頗遵王之路

白邑告命貞吉

周禮小司徒曰乃經土地而井牧其田野九夫爲井  
四井爲邑

否

九四有命无咎疇離祉

惠氏曰疇類離麗祉福也

書虞書曰帝曰疇咨

漢書律歷志曰三代既沒五伯之末史官喪紀疇人

子弟分散

李奇曰同類之人俱明歷者也

其亡其亡繫于苞桑

漢書五行志曰書序曰伊陟相太戊亳有祥桑穀其

生傳曰俱生乎朝七月而大拱伊陟戒以修德而木  
枯剝向以爲殷道既衰高宗承敝而起盡涼陰之哀  
天下應之既獲顯榮怠於政事國將危亡故桑穀之  
異見桑猶喪也穀尤生也殺生之秉失而在下近草  
妖也一曰野木生朝而彙長小人將彙在大臣之位  
危亡國家象朝將爲虛之應也

秉同柄

同人

六二同人于宗吝

春秋傳曰季武子曰今譬於草木寡君在君君之臭

味也

襄公八年

鄭公孫橋曰敝邑邇在晉國譬諸草木

吾臭味也

又二十二年○皆謂同姓為臭味

王逸楚辭註曰同姓為宗

九四乘其墉

其梓材曰既勤垣墉

爾雅釋宮曰牆謂之墉

大有

九三公用享于天子

春秋傳曰秦伯師于河上將納王狐偃言于晉侯曰



求諸侯莫如勤王諸侯信之且大義也繼文之業而  
信宣于諸侯今爲可矣使卜偃卜之曰吉遇黃帝戰  
于阪泉之兆公曰吾不堪也對曰周禮未改今之王  
古之帝也公曰筮之筮之遇大有之睽曰吉遇公用  
享于天子之卦戰克而王饗吉孰大焉且是卦也天  
爲澤以當日天子降心以逆公不亦可乎大有去睽  
而復亦其所也晉侯辭秦師而下

僖公二  
十五年

六五厥孚交如威如吉

書呂刑曰德威惟畏

荀子彊國篇曰威有三有道德之威者有暴察之威者有狂妄之威者此三威者不可不孰察也

謙

六二鳴謙貞吉

夏小正曰雉震响傳曰震也者鳴也响也者鼓其翼

也三體震  
為善鳴

豫

利建侯行師

漢書五行志曰雷以二月出其卦曰豫

震為諸侯豫四之五成此

象比建萬

國親諸侯

六三盱豫悔遲有悔

說文曰盱張目也睢仰目也

九四由豫大有得勿疑朋合簪

桓寬鹽鐵論曰神禹治水遺簪不顧

隨

初九官有渝貞吉

參同契曰水以土爲官

官官鬼也

土鎮水不起

九四隨有獲

儀禮鄉射禮曰獲者坐而獲

詩國風駟鐵曰舍拔則獲

九五孚于嘉吉

周禮大宗伯曰以嘉禮親萬民

王用亨于西山

禮記禮器曰因名山升中于天

禮兌互艮兌  
爲西艮爲山

盥

元亨

春秋傳曰晉侯求醫於秦秦伯使醫和視之曰疾不

可爲也是謂近女室疾如蠱非鬼非食惑以喪志良  
臣將死天命不佑公曰女不可近乎對曰節之先王  
之樂所以節百事也故有五節遲速本末以相及中  
聲以降五降之後不容彈矣於是有煩手淫聲悖埤  
心耳乃忘平和君子弗聽也物亦如之至于煩乃舍  
也已無以生疾君子之近琴瑟以儀節也非以悖心  
也天有六氣降生五味發爲五色徵爲五聲淫生六  
疾六氣曰陰陽風雨晦明也分爲四時序爲五節過  
則爲滯陰淫寒疾陽淫熱疾風淫末疾雨淫腹疾晦

淫惑疾明淫心疾女陽物而晦時淫則生內熱惑盛  
之疾今君不節不時能無及此乎出告趙孟節趙孟

曰何謂蠱對曰淫溺惑亂之所生也於文皿蟲爲蠱  
穀之飛亦爲蠱在周易女惑男風落山謂之蠱皆同

物也趙孟曰良醫也厚其禮而歸之

昭公元年

初六幹父之蠱有子考无咎

禮記曲禮曰生日父母死曰考妣

上九不事王侯高尚其志

禮記王制曰八十者一子不從政九十者其家不從

政

詩小雅笙詩序曰南陔孝子相戒以養也白華孝子

之潔白也

鄭氏義謂親老歸養  
乃事之最高尚者

臨

六五知臨

中庸曰唯天下至聖爲能聰明睿知足以有臨也

觀

六二闕觀利女貞

說文曰閃也

六四觀國之光利用賓于王

春秋傳曰吳公子札來聘節請觀於周樂節觀止矣

雖有他樂吾不敢請已襄公二十九年

又曰晉侯使韓宣子來聘節觀書於太史氏見易象

與魯春秋曰周禮盡在魯矣吾乃今知周公之德與

周之所以王也昭公二年

噦嗑

初九履校滅趾

說文曰木囚也



六二噬膚滅鼻

儀禮少牢饋食禮曰雍人倫膚九實於一鼎也

倫擇也

又曰膚九而俎亦橫載革順

良爲鼻見九家

六三噬腊肉

周禮天官腊人曰掌乾肉凡田獸之脯腊

說文曰乾肉也从殘肉日以晞之

說文作昔

得金矢

周禮大司寇曰禁民訟入束矢禁民獄入鈞金

惠氏曰矢

取其直不直者入束矢金能見情無情者入鈞金按噬嗑三至五成坎四爲坎之中爻坎爲獄訟故有此

象

賁

六二賁其須

說文曰面毛也

惠氏曰爻位近取諸身初爲趾五當爲須故知須謂五五失位故變應二

二上賁五是

賁其須也

白馬翰如

禮記檀弓曰般人尙白戎事乘翰

鄭注曰翰白馬色也

束帛芟芟吝

春秋傳曰庭實旅百奉之以玉帛天地之美具焉

莊公

二十二年○坤  
爲吝嗇又爲帛

上九白賁无咎

論語曰繪事後素

五變體巽  
巽爲白

周禮考工記曰繪畫之事後素功

剝

茂貞凶

詩大雅板曰喪亂蔑資

蔑無也

君子得輿

禮記禮運曰君子以德爲車

復

六三頻復

說文曰顛水厓人所賓附顛顛不前而止

从頁从涉  
按顛古作

顛鄭作  
顛義同

六四中行獨復

中庸曰回之爲人也擇乎中庸得一善則拳拳服膺

惠氏曰初體震四應初復  
當作初得一善卽復初也

上六迷復凶

春秋傳曰周易有之在復之頤曰迷復凶其楚子之

謂乎欲復其願而弃其本復歸無所是謂迷復能無

凶乎

襄公二十八年

无妄

其匪正有眚不利有攸往

漢書律厯志曰易九扈曰初入元百六陽九次三百

七十四陰九次四百八十陽九次七百二十陰七次

七百二十陽七次六百陰五次六百陽五次四百八

十陰三次四百八十陽三凡四千六百一十七歲與

一元終經歲四千五百六十災歲五十七

漢書本注  
孟康曰易

傳也所謂陽九之厄百六之會者也惠氏曰九厄當作无妄篆无妄與九厄相似又劉澹吳都賦注引易无妄曰災氣有九陽阨五陰阨四合爲九一元之中四千六百一十七歲各以數至又本卦上動成坎坎爲多眚故有眚內卦體屯故不利往

不蓄畬

爾雅釋地曰田一歲曰菑二歲曰新田三歲曰畬

邑人之災

詩商頌殷武曰商邑翼翼

惠氏曰文王演易故以天子所居爲邑邑人災則天

下皆災矣

九五无妄之疾勿藥有喜

春秋傳曰美疾不如惡石

襄公二十三年○  
服注曰砭石也

漢書武帝紀曰君者心也民猶支體支體傷則心憊  
但惠氏曰邑人災則支體傷故曰君之疾也  
又本卦互艮艮爲小石木石所以治病

大畜

日閑輿衛

尚書大傳曰戰鬪不可不習故於搜狩以閑之

下卦  
體乾

乾有戰象又爲良馬又大  
畜旁通萃體坤坤爲輿

六四童牛之牯

周禮地官封人曰凡祭祀飾其牛牲設其楅衡

詩魯頌閟宮曰夏而楅衡

良爲童蒙故曰童牛

六五豮豕之牙

爾雅釋獸曰豕子豬豮積彡幼

坎爲豕艮象二變三成坎

頤

舍爾靈龜

管子水地篇曰伏聞能存而能亡者蓍龜與龍是也

晉四之初成頤晉

內卦離離爲龜

六二顛頤

爾雅釋言曰顛頂也

惠氏曰二正應五今過五而求養於上故曰顛頤



大過

初六藉用白茅

周禮地官鄉師曰大祭祀羞牛牲其茅菹

菹鄉讀爲藉

九二枯楊生稊

夏小正曰柳稊

上六過涉滅頂凶

風俗通曰涉始於足足長十寸十寸則尺一躍三尺

再躍則涉

惠氏曰涉從水從步步長六尺以長爲深則涉深六尺過涉水益深故滅頂凶

坎

六三來之坎坎險且枕

詩國風葛生曰角枕粲兮

禮記內則曰斂枕簟

虞氏曰三至五互良  
良爲止故曰枕止也

六四樽酒簋贰用缶

周禮天官酒正曰大祭叁贰中祭再贰小祭壹贰

鄭氏

曰貳副益之也凡注酒  
於樽中曰副坤器爲缶

納約自牖

詩召南采蘋曰予以奠之宗室牖下

毛氏傳曰大夫  
士祭于宗廟莫

于牖

下

寅于叢棘

周禮秋官朝士曰掌建邦外朝之法左九棘孤卿大夫位焉右九棘公侯伯子男位焉。

離

則大董之嗟

春秋傳曰以伯舅董老

倍公九年

焚如

周禮秋官掌戮曰凡殺其親者焚之

鄭氏曰震爲長子爻失正譬之

倒子四爻

陽屬震

獲匪其醜

禮記學記曰比物醜類

周語曰况爾小醜

韋氏曰醜類也

周易經典證略 卷二

下經

咸

初六咸其拇

莊子駢拇篇曰駢拇枝指出乎性哉

六二咸其腓

莊子天下篇曰禹親自操耒耜而九雜天下之川腓

無胈脛無毛

上六咸其輔頰舌

文選洛神賦曰曆輔承權

恆

初六浚恆

公羊傳曰浚之者何深之也曷爲深之畏齊也

莊公九年

○冬浚洙傳初爲潛爲淵故深

六五恆其德貞婦人吉

釋名貞定也  
又本草女貞木石蘇頌曰女貞負霜蔥翠故貞女慕其名一名冬青

遯

六二執之用黃牛之革

周禮考工記曰攻皮之工函鮑鞞韋裘

九五嘉遯貞吉

爾雅釋詁曰嘉美也

周禮春官大宗伯曰以嘉禮親萬民

上九肥遯

春秋傳曰博碩肥腍

桓公六年○疏肥饒裕也又漢書註引作飛四之初體離象鳥

大壯

羝羊觸藩

說文曰羝牡羊也

六五喪羊于易

漢書食貨志曰瓜瓠果蓏殖於疆易

晉

康侯用錫馬蕃庶晝日三接

禮記祭統曰康周公所以賜魯也

書禹貢曰厥包橘柚錫貢又九江納錫大龜

儀禮覲禮曰四享皆束帛加璧庭實唯國所有奉束帛匹馬卓上九馬隨之

周禮秋官大行人曰上公之禮

節

廟中將幣三享

節



出入五積三問三勞諸侯之禮節 廟中將幣三享節

出入四積再問再勞節 諸子節 廟中將幣三享節 出

入三積一問一勞一說三接專指覲禮言

九四晉如鼫鼠

詩國風碩鼠序曰碩鼠刺重斂也國人刺其君重斂  
蠶食于民不修其政貪而畏人若大鼠也

明夷

初九明夷于飛垂其翼君子于行三日不食有攸往主

人有言

春秋傳曰初穆子之生也莊叔以周易筮之遇明夷

之謙以示卜楚邱曰是將行而歸爲子祀以讒人入

其名曰牛卒以餒死明夷日也日之數十故有十時

亦當十位自王以下其二爲公其三爲卿日上其中

食日爲二旦日爲三明夷之謙明而未融其當日乎

故曰爲子祀日之謙當鳥故曰明夷于飛明而未融

故曰垂其翼象日之動故曰君子于行當三在旦故

曰三日不食離火也艮山也離爲火火焚山山敗於

人爲言敗言爲讒故曰有攸往主人有言言必讒也

純離爲牛世亂讒勝勝將適離故曰其名曰牛謙不足飛不翔垂不峻翼不廣故曰其爲子後乎吾子亞卿也抑少不終

昭公五年

六二明夷夷于左股

汲冢周書曰天道尙左日月西移

爻辰九三值辰孝經授神契曰清明

後十五日斗指辰爲穀雨十五日斗指巽爲立夏是辰近巽巽爲辰三爲左股

于出門庭

春秋傳曰利用賓于王庭賓旅百奉之以玉帛天地

之美具焉

莊公二十二年○又明夷卦初往上來爲艮艮爲門闕

六五箕子之明夷

淮南子時則訓曰爨其燧火

惠氏曰西漢孟氏易作其子其子者萬物方莖

茲也劉向荀爽從之

家人

六二无攸遂在中饋

公羊傳曰遂者何生事也大夫無遂事此其言遂何

成使乎我也

桓公八年

儀禮特牲饋食禮曰特牲饋食之禮不諏日

士祭禮

又少牢饋食禮曰少牢饋食之禮日用丁巳

大夫祭禮

六四富家大吉

禮記禮運曰故天生時而地生財

惠氏曰三動體坤坤爲地故富也

九五王假有家

詩商頌那曰湯孫奏假

毛傳曰假大也

睽

初九悔亡喪馬勿逐自復

書費誓曰馬牛其風臣妾逋逃無敢越逐祇復之

九二遇主于巷

穀梁傳曰遇者志相得也

隱公四年

春秋傳曰齊侯使高張來唁公稱主君子家子曰齊

卑君矣君祇辱焉

昭公二十九年

爾雅釋宮曰宮中巷謂之壺

其人天且劓无初有終

周禮秋官司刑曰劓罪五百

馬氏曰劓鑿其額曰天劓與黥同

上九睽孤見豕負塗

詩小雅角弓曰如塗塗附

先張之弧後說之弧

後說之弧弧字京馬鄭王本均作壺

春秋傳曰晉荀躒如周葬穆后籍談爲介既葬除喪

以文伯宴樽以魯壺

昭公十三年

蹇

六二王臣蹇蹇

文選離騷經曰余固知蹇蹇之爲患兮

蹇古一作蹇

九五大蹇朋來

書洛誥曰孺子其朋

周禮地官大司徒曰五曰聯朋友

解

六二負且乘

禮記明堂位曰天子負斧依鄭氏註曰負之言背也

史記夏本紀曰至于負尾○三之二成良良為背 惠氏曰倍尾山俗作陪古 負背倍通訓詁音義兼也

上六公用射隼于高墉之上

爾雅釋鳥曰鷹隼醜其飛也二至四互離 離為飛鳥

損

二簋可用享

禮記明堂位曰周之八簋

禮記祭義曰八簋之實

酌損之



公羊傳曰乞盟者何處其所而請與也其處其所而

請與奈何蓋酌之也

僖公八年  
鄭伯乞盟

禮記坊記曰上酌民言則下天上施上不酌民言則  
犯也下不天上施則亂也

六五或益之十朋之龜

爾雅釋魚曰一曰神龜二曰靈龜三曰攝龜四曰寶

龜五曰文龜六曰筮龜七曰山龜八曰澤龜九曰水

龜十曰火龜

一說兩  
貝爲朋

漢書食貨志曰元龜岨冉長尺二寸直二千一百六

十爲大貝十朋公龜九寸直五百爲壯貝十朋侯龜  
七寸以上直三百爲幺貝十朋子龜五寸以上直百  
爲小貝十朋是爲龜寶四品

益

初九利用爲大作

書堯典曰平艷東作

六三益之用凶事无咎有孚中行告公用圭

禮記雜記曰上介贈執圭將命曰寡君使某贈相者  
入告反命曰孤須矣陳乘黃大路于中庭北執圭

將命客使自下由路西子拜稽顙坐委子殯東南隅  
宰舉以東

六四中行告公從利用爲依遷國

春秋傳曰我周之東遷晉鄭焉依

隱公六年

又曰太子奉冢祀社稷之粢盛以朝夕視君膳者也  
故曰冢子君行則守有守則從從曰撫軍守曰監國

古之制也

閔公二年

上九莫益之或擊之立心勿恆

詩召南殷其雷曰莫敢或違

益錯恆○惠氏曰上不益初則消五成剝剝外

卦艮艮爲手  
故或擊之

夬

揚于王庭

詩大雅篤公劉曰干戈戚揚

毛傳曰揚戍也古越鉞皆作戍

莫夜有戎

詩國風蟋蟀曰歲聿其莫

惠氏曰二動體離離爲戈兵故戎

若濡有愠

韓詩車牽曰以愠我心

九五莫陸夬夬

孟喜曰莫陸獸名兌爲羊也○惠氏曰莫說也讀作堯陸作睦決而和故堯睦

論語曰夫子莞爾而笑  
又漢唐扶頌嚴舉  
碑皆以陸爲睦

姤

九二包有魚无咎不利賓

虞氏象  
巽爲魚

禮記月令曰律中蕤賓

姤五月辟卦○惠氏曰一陰  
萎蕤在下象主人五陽在上

象賓

客

參同契曰遘始紀序履霜最先井底寒泉午爲蕤賓

九五以杞包瓜含章有隕自天

巽爲  
木

穀梁傳曰夜中星隕如雨其隕也如雨是夜中與春  
秋著以傳著疑以傳疑中之幾也而曰夜中實著焉

爾何用見其中也失變而錄其時則夜中矣其不曰  
恆星之隕何也我知恆星之不見而不知其隕也我  
見其隕而接於地者則是雨說也著於上見於下謂  
之雨著於下不見於上謂之隕豈雨說哉

莊公七年

萃

一握爲笑

鄭氏握作屋

周禮小司徒曰攷夫屋

鄭註云夫三爲屋屋三爲井

季乃利用禴

爾雅祭名曰夏祭曰禴

升

六四王用亨于岐山

公羊傳曰天子有方望之事無所不通

僖公三十一年

上六冥升利于不息之貞

中庸曰故至誠無息

惠氏曰中庸言至誠無息而先言積如天之昭昭地之撮土山

之卷石水之一勺所謂積也繼之云維天之命於穆不已又曰於乎不顯文王之德之純純亦不已即不息二升五積小以成高大有不息之義升五得正故云不息之貞上比於五五陽不息陰之所利故曰利於不息之貞

困

九二困于酒食

乾鑿度曰困于酒食者困于祿也

初六辰在未未上  
值柳爲天廚酒食

象

九五劓別

鄭氏劓別作倪仇謂九五  
乃君位不當有劓別之象

書秦誓曰邦之杌隉

井

汔至

詩大雅民勞曰汔可小康

九二井谷射鮒



儀禮士昏禮曰魚用鮒

惠氏曰子夏義謂鮒爲蝦蟆井五月卦故有之

九五井冽寒泉食

說文曰冽水清也

參同契曰姤始紀序履霜最先井底寒泉

五乾爲寒故曰寒泉

惠氏曰井與噬嗑旁通故曰食

革

六二已日乃革之

公羊傳曰而者何難也乃者何難也曷爲或言而或

言乃乃難乎而也

宣公八年

上六君子豹變

陸璣詩疏曰毛赤而文黑謂之赤豹毛白而文黑謂之白豹

鼎

得妾以其子

公羊傳曰桓何以貴母貴也母貴則子何以貴子以

母貴母以子貴

隱公元年

九三鼎耳革

說文曰鼎三足兩耳

鼎以耳舉行去耳則其行蹇矣

覆公餗其形渥

鄭氏義作刑剗

周禮天官醢人註曰糝食菜餗蒸

周禮秋官司煊氏曰邦若屋誅則爲明竈焉

金鉉

儀禮士冠禮曰設局鼎

鄭註今文局爲鉉

周禮考工記匠人曰廟門容大局七个

說文曰以木橫貫鼎耳而舉之从鼎門聲周禮廟門

容大鼎七个卽易玉鉉大吉也

許合鉉鼎爲一

震

震來虩虩

說文曰易履虎尾虩虩恐懼一曰蠲虎

穴中跳躍而  
出有恐懼意

不喪七鬯

詩小雅大東曰有捄棘七

毛傳曰七所以載  
鼎實棘赤心也

禮記郊特牲曰周人尙臭灌用鬯臭

又雜記曰暢日以柎杵以梧枇以桑長三尺

暢卽鬯  
枇卽七

周禮春官鬯人曰掌其秬鬯而飾之

億喪貝

釋文億本  
又作噫

詩周頌噫嘻曰噫嘻成王

躋于九陵

爾雅釋邱曰後高陵邱

六三震蘇蘇

孟子曰后來其蘇

春秋傳曰晉人獲秦謀殺諸絳市六日而蘇

宣公八年

九四震遂泥

漢書五行志曰京房易傳曰廢正作淫大不明國多

廢又曰震遂泥厥咎國多廢

李奇註曰從三至五有坎象坎爲水四爲泥在

水中故曰

震遂泥

良

六四良其身

詩大雅大明曰大任有身

虞氏義

六五良其輔

春秋傳曰諺所謂輔車相依唇亡齒寒者其虞虢之

謂也

僖公五年

上九敦艮

爾雅釋邱曰邱一成爲敦邱

艮爲山

漸

女歸吉

穀梁傳曰禮謂嫁爲歸反日來歸

隱公二年

初六鴻漸于干

詩國風伐檀曰實之河之干兮

鴻漸于磐

史記司馬相如傳子虛賦曰其山則磐紆蕤鬱

或得其桷

詩魯頌闕宮曰松桷有梲

穀梁傳曰天子之桷斲之磐之加密石焉諸侯之桷

斲之斲之大夫斲之士斲本刻桷非正也

莊公二十四年○說

文椽方爲桷惠氏從之此

及義取平柯似亦可通

其羽可用爲儀吉

春秋傳曰公問羽數於衆仲對曰天子用八諸侯用

六大夫四士二夫舞所以節八音而行八風故自八

以下公從之於是初獻六羽始用六佾也

隱公五年

歸妹

利幽人之貞

尸子曰文王幽於羑里

一至四互離離動成坎坎爲獄



九四歸妹愆期

書大禹謨曰耄期倦于勤又曰期于予治刑期于無  
刑

六五帝乙歸妹其君之袂不如其娣之袂良月幾望吉

上卦震帝出乎震也又消息歸  
妹自泰來有坤象故坤納乙

論語曰稱諸異邦曰寡小君

禮記禮器曰大明生於東月生於西

參同契曰坤乙三十日東北喪其朋

上六女承筐无寶

詩召南摛梅曰傾筐暨之

又采蘋曰維筐及筥

豐

王假之

書虞書曰假于上下

雖旬无咎

禮記曲禮曰凡卜筮日旬之外曰遠某日旬之內曰

近某日

日中見斗

史記天官書曰北斗七星

索隱曰案春秋連斗樞云斗第一天樞第二天樞第三天樞

璣第四權第五衡第六開陽第七

璣光一至四爲魁五至七爲杓

日中見昧折其右肱

子夏傳馬氏服氏均作昧

春秋傳曰姬姓日也異姓月也

成公十六年

漢書王商傳曰易曰日中見昧則折其右肱

歲不覲

春秋傳曰秋哀姜至公使宗婦覲用幣非禮也御孫

曰男贄大者玉帛小者禽鳥以章物也女贄不過榛

栗棗脩以告虔也今男女同贄是無別也

莊公二十四年

公羊傳曰覲者何見也

莊公二十四年

旅

初六旅瑣瑣

詩小雅節南山曰瑣瑣姻婭

六 旅卽次

詩國風東門之墀曰豈不爾思子不我卽

周禮天官宮伯曰授八次八舍之職事

得其資斧

資斧子夏傳及衆家並作齊斧齊利也

漢書王莽傳曰此經所謂喪其齊斧者也

喪牛于易

春秋傳曰純離爲牛世亂譏勝勝將適離故曰其名

曰牛

昭公五年○按離得坤之中炁坤亦爲子母牛

巽

利武人之貞

禮記月令曰立秋之日賞軍帥武人於朝

孟氏義巽在卦氣爲

七月

田獲三品

穀梁傳曰四時之田皆爲宗廟之事也春日田夏日

甫秋曰蒐冬曰狩四時之田用三焉唯其所先得一  
爲乾豆二爲賓客三爲充君之庖

桓公四年

喪其資斧

宋書文帝紀曰丙申詔曰未勞資斧

兌

商兌未盜介疾有喜

孟子曰商賈皆欲藏於王之市

三至五互巽爲市  
四變成坎爲疾

上六引兌

史記秦始皇本紀曰諸生將相告引

渙

初六用拯馬壯吉

拯子夏傳作拊拊取也

後漢孔彪碑曰爰尙桓桓拊馬蠲害

九二渙奔其机

江氏曰机几通

周禮春官司几筵曰掌五几五席之名物辨其用與

其位

六四渙其羣元吉渙有丘匪夷所思

詩小雅吉日或羣或友

毛詩曰獸三爲羣

漢書成帝紀曰帝王之道日曰陵夷

九五渙汗其大號

漢書劉向傳曰易曰渙汗其大號言號令如汗出而不反者也今出善令未能踰時而反是反汗也

節

苦節不可貞

詩國風谷風曰誰謂荼苦其甘如薺

六四安節亨

說文曰安靜也从女在山下

中孚



豚魚吉利涉大川

詩小雅漸漸之石曰有豕白蹄烝涉波矣

鄭氏曰三辰在亥豚

之象四辰在丑丑爲鼈蟹魚之象兌爲澤大川之象

初九虞吉

儀禮士虞禮曰士虞禮特豕饋食

鄭氏曰虞安也

九二鳴鶴在陰其子和之

淮南子泰族訓曰故寒暑燥濕以類相從聲響疾徐以類相應也故易曰鳴鶴在陰其子和之

九五有孚攣如

爾雅釋詁曰擊病也

上九翰音登于天

禮記曲禮曰鷄曰翰音

小過

從或戕之

春秋傳曰秋邾人戕鄆子子鄆凡自虐其君曰弑自

外曰戕

宣公十八年

往厲必戒

孟子曰當在薛也子有戒心

密雲不雨自我西郊公弋取彼在穴

禮記樂記曰使之陽而不散陰而不密

鄭注密之言閉也

周禮夏官司弓矢曰矰矢弗矢用諸弋射

飛鳥離之凶

詩國風新臺曰魚網之設鴻則離之

漢書楊雄傳反離騷曰惟天軌之不辟兮何純絜而

離紛

顏師古曰軌路也辟開也離遭也紛離也

既濟

六一婦喪其葬

詩國風碩人曰翟葦以朝

九三高宗伐鬼方三年克之

後漢書西羌傳曰后桀之亂吠夷入居邠岐之間成  
湯既興伐而攘之及殷室中衰諸夷皆叛至於武丁  
征西戎鬼方三年乃克故其詩曰自彼氐羌莫敢不  
來王

未濟

小狐汔濟

詩邶風匏有苦葉曰濟有深涉

上九有孚于飲酒

儀禮鄉飲酒禮曰主人就先生而謀賓介